



Ad Halaalã yaa vëenega ti Haraamã me yaa vëenega

Yii a Annou'maan [bn Basur nengë -Wënd yard be a yïnga-a yeelame: m wuma Wënd Tën-tuuma -Wënd puusg la A tulgr be a yïnga- t'a yetë, -t'a Annu'maan yaa sën rik a nus a yiibã n teesd a tub a yiibã-: «Ad Halaalã yaa vëenega ti Haraamã me yaa vëenega, la b yiibã suka yel-gëts n be beenë, ti neba wusg ka mi-b ye, la ned ning sën gūusa yel-gëti wã a yulg a dīinã la a burkīndã, la sën lu a yel-gëti wã pugë ad a luu haraamë, a bilgr yaa wala rūm-kumã sën wāmbd yamd-zabdg kurenga a sã n ka gūusi a na n wāb-a lame, la ad naab fãa tara a yamd-zabdga, la ad Wënd wāmneg zīg ning sën zabdã, yaa A sën gidg yel ninsã, la ad yïnga pugë nem-vöre n be beenë, a sã n manege, yïngã fãa manegdame, la a sã n sãame, yïngã fãa sãamame, ad yë yaa sūurã».

[Naşun Şahuhun (Gom-sikdem sën manege)] [B zemsa taab a zugu (A Al-Buħariy la a Muslim n reeg-a)]

Nabiyaamã -Wënd puusg la A tulgr be a yïnga- vënegdame n wilgdë zeng raoog sën gūbg yelã pugë, ti la a puuta kōbg a tãab sãri wã pugë: Halaal sën yaa vëenega, la Haraam sën yaa vëenega, la yel-gëds ti b buudã pa vëenega b halaal la b haraam wëengë ye, nebã wusg ka mi b buudã ye. Rënd ned ning sën basa yel-gëds-kãensa a dīina tulgame ne a sën zãag haraamã pugë luusã, t'a burkīndã paam tulgre n yi nebã goamã, ne b sën na n zangd-a a sën tum yel-gëdg-kãngã wã. La ned ning sën ka zãaga yel-kãensã rënd a këesa a menga maa ti yaa haraamã pugë luuse maa ti nebã sën na n paam a burkīndã. La Tën-tuuma -Wënd puusg la A tulgr be a yïnga- ruka bilgri n vënegd neb nins sën maan yel-gëti wã halhaalã, ti yaa wala rūm-kum sën gūud a rūmsi zīg b sën gidg ti b ra wābneg noorë, rënd rūm-kumã rūmsã yaa bilf bala ti b kē beenë sën pë wã yïnga, rënd yaa woto bala, la ned sën maan būmb ning sën tar gëtga, a maan-kãngã kitame t'a pënegd haraamã, rënd keta bilf t'a lu a pugë. Rë poor la Nabiyaamã -Wënd puusg la A tulgr be a yïnga- kō kibare ti yïngë wã nem-vöre n be beenë (yë me la sūurã) yïnga manegda ne a manegrã, la a sãamd ne a sãangã.

<https://sunnah.global/hadeeth/mos/show/4314>

